

МЕСЯЦА НОЯБРЯ В 6-Й ДЕНЬ, (19 ноября по н. ст.)

Преподобнаго и Богоноснаго отца нашего Варлаама Керетскаго, чудотворца

НА МАЛОЙ ВЕЧЕРНИ

На Господи, воззвах: стихиры на 4. Глас 4:

Духа Святаго теплотою, мудре, желание сердца твоего согревав / и зиму страстей умертвив, / погрузил еси страстей востание в пучине скорбей, / священный отче Варлааме, / в ладий тесней возьми по морю полнощному, / многокозненную силу демонскую низложил еси / и в конец немощны твоя показал еси, / небесная же воинства удивив терпением своим, / яко постников подражатель и преподобных сожитель, / с нимиже молися Господеву помиловатися душам нашим.

(Дважды).

Явился еси исцелений струя обильная, / богоблаженне отче наш Варлааме, / многомятежнаго пламене углие страстей угасил еси. / Узкий и прискорбный шествовав путь, / войстину не дал еси сна очима твоима, / ниже плоти твоея упокоения, / и телесне убо преставился еси, / духом же жив, предстоиши Богу, / Емуже в житий имея дерзновение работал еси, // моли спастися душам нашим.

Волнобурныя молвы жития избежав, / три лета шествоваше по Ледоватому морю, / земных и тленных наслаждение презрев, / Христу последовал еси / и пустынные жители возлюбил еси, / ко отишию же пещеры святых достигнув, / со зверьми жительствуя, / пустынное озлобление усердно подъял еси, / демонская же ополчения и их многокозненную силу посрамил еси. // Темже твою память присно песньми восхваляем верно.

Слава, глас 8:

Приидите, монашествующих множество, днесь / Варлаама песньми и пеньми восхвалим, глаголюще: / радуйся, преславне Варлааме, Помория пресветлый светильниче; / радуйся, благочестиваго отца духовнаго отрасли; / радуйся, яко звезда полнощная воздержания и благотерпения, высотами сияя, явился еси, / радуйся, яко многа чудеса о Христе сотворил еси; / радуйся, целомудрия и безпщия столпе, / имже демонская

свирѣпства искоренѣшася; / радуйся, яко увядѣл еси плотская мудрования; / радуйся, преподобне Варлааме, // души наша просвещая покаянием.

И ныне, Богородичен, глас тойже:

Владычице, прими молитвы раб Твоих // и избави нас от всякия нужды и печали.

Прокимен дне.

На стиховне стихиры, глас 1.

Подобен: Небесных чинѡв:

Блаженне Варлааме, / древняго человека совлѣкся еси со страстьми / и во Христа облѣкся еси воистину: / темже обличил еси, преподобне, многая вражия ополчения. / Верно ныне сошедшеся в память твою, отче, / ублажаем тя любовью, // величюще Прославльшаго тя.

Стих: Честна пред Господом // смерть преподобных Его.

Страстей победителю, / плоти томителю, / языка воздержателю, / о всех молебник быв, отче Варлааме, // прими торжествующия любовью всесвященную память твою.

Стих: Блажен муж, бояйся Господа, // в заповедех Его восхощет зело.

Чистыми твоими молитвами / Бѡгови приближився, / благодать имаша нечистыя отгоняти дѹхи от человек. / Прими ныне пение чад твоих, преподобне, / радостно торжествующих в честней твоѣй памяти, // Варлааме, отче наш.

Слава, и ныне, Богородичен, глас тойже:

Обрадованная, радуйся, / Яже Радость миру рождающая, / Христа Жизнодавца, // и праматернюю, Дѣво, печаль отъемшая.

Тропарь писан на Велицей вечерни.

Ектенія малая и отпу́ст.

НА ВЕЛІЦЕЙ ВЕЧЁРНИ

Блажён муж: 1-й антифён.

На Гóсподи, воззвах: стихиры на 8, глас 8.

Подóбен: Мúченицы Госпóдни:

Приидíte, любящии преслáвныя пóдвиги святýх, / восхва́лим преподóбнаго Варлаáма из Кéрети, / той бо благобытиé мíра сегó превредíл есть / и живóт свой ни во чтóже вменív крест тяжкий взял, / Христý смире́нием и до́блестию послéдовал есть. / Мы же прославля́ем Бóга, дíвнаго во святýх Сво́их, // подаю́щаго нам мир и ве́лию мíлость. *(Три́жды).*

Страда́нием ненача́емым пёрвее тяжко иску́сivся, / в пустýни же постóм течéние божéственное совершív, / на небеса́ возшёл есí и ны́не Христý предсто́иши, / Варлаáме, óтче преподóбне, // моля́ся тёпле за ны, пою́щия тя. *(Три́жды).*

Яв́ился есí, богоблаже́нне, мúдрая плени́ца, / преподóбне óтче наш Варлаáме, / связу́я мно́гая враго́в ополче́ния, / Бóжиею сíлою укрепля́емь, / над страстьмí воцари́лся есí. / И управлен есть, доброхва́льне, в Цáрствии Бóжии // во спасéние душ на́ших. *(Два́жды).*

Сла́ва, глас 6:

Ё́же по óбразу соблю́д невредíмо, / ум Христóв на немощно́е естество́ по́стнически поста́вив, / во ё́же по подо́бию я́ко мо́щно возшёл есí: / мýжески в пýсте мо́ри с ме́ртвою шéствовал есí / и сотвори́л есí ладию́ во гроб, / естество́ на пóдвиг понúдив, / потщáлся есí плоть порабо́тити дýху. / Тёмже жíteль пустýнный яв́ился есí, / пра́вило добродéтели извёстнейшее, óтче наш Варлаáме, / вне бо плóти и мíра быв, / па́че вíдимых пожíл есí íстинно: / не бо жил есí тебе́ самомý, / живя́ше же па́че в тебе́ Христóс Бог наш. // Тогó моли́ спастíся душáм на́шим.

И ны́не, Богороди́чен:

Кто Тебе́ не ублажи́т, Пресвята́я Дéво? / Кто ли не воспоёт Твоегó Пречи́стаго Рожде́ства? / Безлётно бо от Отца́ возсия́вый Сын Единоро́дный, / То́йже от Тебе́, Чíстыя, прóйде, / неизрече́нно вопло́щся, / естество́м Бог Сый / и естество́м быв Челове́к нас ра́ди, / не во двою́ лицу́ разделя́емый, / но во двою́ естествý / неслíтно

познаваемъй. / Того моли, Чистая, Всеблаженная, // помилватися душам нашим.

Вход. Прокімен дне. Чтѣнія три.

Премудрости Соломоновы чтѣние:

Праведницы во веки живут, и в Господе мзда их, и попечение их у Вышняго. / Сего ради примут Царствие благолепия и венец доброты от руки Господни, зане десницею покрывает я и мышцею защитит их. / Примет всеоружие рвение свое и вооружит тварь в месть врагом. / Облечется в броня правды и возложит шлем – суд нелицемерен. / Примет щит непобедимый – преподобие, поострит же напрасный гнев во оружие, споборет же с ним мир на безумных. / Пойдут праволучныя стрелы молниины и, яко от благокругла лука облаков, на намерение полетят. / И от каменометныя ярости исполнь падут грады, вознегодует на них вода морская, реки же потопят я нагло. / Спротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. / Слышите убо, царие, и разумейте, навикните, судий концев земли. / Внушите, держащи множества и гордящиеся о народах языков, яко дана есть от Господа держава вам и сила от Вышняго.

Премудрости Соломоновы чтѣние:

Праведных души в руке Божией, и не прикоснется их мука. / Непщевани быша во очесех безумных умерети, и вменися озлобление исход их, и еже от нас шествие – сокрушение, они же суть в мире. / Ибо пред лицом человеческим аще и муку примут, упование их безсмертия исполнено. / И в мале наказани бывше, великими благодетельствовани будут, яко Бог искуси я и обрете их достойны Себе. / Яко злато в горниле, искуси их и, яко всеплодие жертвенное, прият я. / И во время посещения их возсияют и, яко искры по стеблию, потекут. / Судят языком и обладают людьми, и воцарится Господь в них во веки. / Надеющиеся Нань разумеют истину, и вернии в любви пребудут Ему. / Яко благодать и милость в преподобных Его, и посещение во избранных Его.

Премудрости Соломоновы чтѣние:

Праведник, аще постигнет скончаться, в покои будет. / Старость бо честна не многолетна, ниже в числе лет исчитается. / Седина же есть

мудрость человеком, и возраст старости — житие нескверное. / Благоугоден Бóгови быв, возлюблен бысть, и живый посреде грешник, преставлен бысть. / Восхищен бысть, да не злоба изменит разума его, или лость прельстит душу его. / Рачение бо злобы помрачает добрая, и парение похоти пременяет ум незлобив. / Скончався в мале, исполни лета долга, угодна бо бе Господеву душа его, сего ради потщася от среды лукавствия. / Люди же видевше и не разумевше, ниже положше в помышлении таковое, яко благодать и милость в преподобных Его и посещение во избранных Его.

На литий стихира храма и святого стихир, глас 5:

Преподобне отче Варлааме, / ты, измлада возлюбив доброту Владыки Христа / и к Нему желание невозвратно имеяй, / в правоте и благочестии подвизался еси. / Егда супостат диавол искуси тя, отче преподобне, / ты руку свою на весла крепко возложил еси, / и отнюд вспять не зрел еси, / и многи скорби претерпел еси. / Но, прямо стопы твои по словеси отца духовного направляя / вся козни вражия препобедил еси // и венец победный от Господа приял еси.

Буре океана хладна не убоясь, / любовью Христовою согреваем, / противу зельного обуревания плаваше, досточудне Варлааме, / чувственные страсти победив воздержания бродами, / ревность к небесным на море и на земли показал еси / и всякое плотское желание духови повинул еси. / Тем ныне в небесных селениях водворяешься, // моли о душах наших.

Приидите, возрадуемся, люди земли северныя, / празднующе память добropобедного мужа, / преподобного отца нашего Варлаама, / той бо, многотрудным путем земного и водного странствия шествуя, / верою несумненною и терпением крепким востече на предлежащий ему подвиг / и лютыя козни вражия посрамил. / Сего ради славою вечною // увенча Человеколюбец Господь угодника Своего.

Слава, глас тойже:

Боготечней звездé полнощной уподобился еси, / досточудне Варлааме, / в море путие твой быша, / и стези твои в водах многих, / вся бреги страны северныя обтекл еси, / яко денница, Солнцу Правды преходящая, / Тому Единому последовав, / равноангельно в пещере

пожил еси, / темже ныне на небесах со Ангелы Христу предстоиши, // со дерзновением моляся о душах наших.

И ныне, Богородичен:

Храм и дверь еси, / палата и престол Царев, / Дево Всечестная, /
Еюже Избавитель мой, Христос Господь, / во тьме спящим явися, /
Солнце Сый правды, просветити хотя, / яже созда по образу Своему
рукою Своею. / Темже, Всепетая, / яко матерне дерзновение к Нему
стяжавшая, // непрестанно моли спастися душам нашим.

На стиховне стихиры, глас 1.

Подобен: Небесных чинов:

Наста, богоносне Варлааме, / солнца светлейший твой праздник, /
озаряет приходящая к Тебе верою, / и безсмертием благоухает, / и душам
источает исцеления, // Варлааме преподобне, молитвенниче о душах
наших.

Стих: Честна пред Господом / смерть преподобных Его.

Волнений множество невлажно проходя, / безплотныя враги струями
слез твоих крепко погрузил еси, / богомудре Варлааме преподобне, / и,
чудес дар приим, всякия многоразличныя страсти исцеляеши, // моли
непрестанно о всех нас.

Стих: Блажен муж, бойся Господа, / в заповедех Его восхощет зело.

Яко храбрый воин Христов, / благословлен был еси духовным своим
отцем и наказателем, / противу начал и властей темных, / миродержцев
века сего востал еси, / епитимию многоболезненну блюдя. / Мы же,
дивящиеся неизреченному о тебе Божью Промыслу, / припадаем ко
Христу Владыце, Подвигоположнику, // скорби наша в радость
Претворяющему.

Слава, глас 8:

На весла возложил еси, страдальче, / делание рук твоих, / исполняя
Божественная повеления, / и не возвратился еси зря вспять: / но
шествовал еси путем тесным и прискорбным / до конца вчиненного
испытания, // имже Господь память о тебе сотвори.

И ныне, Богородичен:

Безвестная Дево, / Яже Бога неизреченно зачени плотию, / Мати
Бога Вышняго, / Твоих рабов мольбы приими, Всенепорочная, / всем

подаючи очищение прегрешений, / ныне наша моления приемлющи, // моли спастися всем нам.

**На благословении хлебов тропарь святому дважды,
и Богородице Деве: единожды.**

Тропарь, глас 1:

Божественною свыше просветився благодатию, / евангельски Христу последовал еси, / благословением духовного отца своего / всем сердцем творил еси волю Божию, / и, сего ради восприим силу на врага сопротивного, / не убоился еси морских тягот и хлада, ниже уклонися, / в своем плаче по Боже не усypая, / в мале ладий по водам шествие творил еси, противу зельного обуревания плавая, / и, равноангельное житие прожив, / темже и по преставлении источаеши чудес благодать, / да вси тебе возопием: Варлааме преблаженне, // моли Христа Бога, да спасет души наша.

НА УТРЕНИ

На Бог Господь: тропарь святому дважды.

Слава, и ныне: Богородичен: Гавриилу вещавшу:

По 1-й стихологии седален, глас 4.

Подобен: Скоро предвари:

Путем тесным и прискорбным / три лета шествовал еси по Ледоватому морю, / крест свой на рамо возложив, преподобне отче наш Варлааме. / Тьма жестока и мраз ночный тщахуся запинати ти. / Студный ветер северный ярися и возопи, яко зверь, / и вода, яко во броню, в лед облечеса и бысть жестока зело. / Ужасеса небо о сем, и океан велий вострепетал зело, / мы же умолчахом, и возскорбехом, / и убояхомся Господа, / вси бо святии в руце Его суть.

Слава, и ныне, Богородичен:

Обновила еси, Чистая, Божественным Рождеством Твоим / истлевшее страстьми земнородных мертвенное существо / и воздвигла еси вся от смерти к животу нетления. / Темже Ты по долгу блажим вси, Дево Препрославленная, / якоже прорекла еси.

По 2-й стихологии седален, глас 5.

Подобен: Собезначальное Слово:

Земных и тленных наслаждение презрев, / Христу последовал еси и
пустынные жители возлюбил еси, / обрете пещеру и жилище / и двери
заградил, со зверьми жительствуя, / претерпел еси пустынное озлобление
усердно, / полки же отразил еси демонов мужественно. / Темже твою
память присно песнями восхваляем верно.

Слава, и ныне, Богородичен:

Ужасно чудо зачатия, / и несказанен образ рождества в Тебе познася,
Приснодево Чистая, / ужасает мой ум и удивляет помышление, / слава
Твоя, Богородице, всем прострется / во спасение душ наших.

По полиелее седален, глас 1.

Подобен: Гроб Твой, Спасе:

Погрузил еси страстей все восстание / в пучине скорбей, священный
отец, / в ладий тесней возьми три лета, / с мертвою шествуя в кожедо лето
дванадесат путей по полнощному морю, / дондеже тело ея изгни до
конца, / тем исцеления дар от Господа приял еси, Варлааме преподобне, /
и тако прешел еси житейскую пучину / и жизнь безконечную по смерти
приял еси: / темже днесь Христова Церковь празднует твою досточудную
память, / преподобных украшение.

Слава, и ныне, Богородичен:

Настави ны на путь покаяния, / уклоняющихся присно к злым
безпутием / и Преплагаго прогневающих Господа, / Неискусобрачная,
Благословенная Марие, / прибежище отчаянных человеков, / Божие
обиталище.

Степenna, 1-й антифон, 4 гласа. Прокимен, глас 4: Честна пред
Господом // смерть преподобных Его. **Стих: Что воздам Господеву о**
всех, // яже воздаде ми? **Всякое дыхание: Евангелие от Матфея, зачало**
43.

По 50-м псалме стихира, глас 6:

Преподобен и честен был еси, светильник Божественный и
светоносный, / не убоясь морския тяготы и хлада, ниже уклонися, / в
плаче по Боже не усыпая, / в мале ладий по водам шествие творил еси, /
предивная чудеса являя пред народом северным в земли Поморстей. /

Тогó молітвами, Христé, // дáруй нам преспéяние житія, и вéры, и рáзума
духóвнаго.

Канон Богородице со ирмосом на 6 и преподобнаго¹ на 6, глас 8.

Песнь 1

Ирмос: *Мóре огустіл есі, / погрузівый со ору́жием гóрдаго
фараóна, / и лю́ди спасл есі немóкренно, Господи, / и ввел есі я в гóру
святýни, вопиýщия: // поім Тебé, Бóгу нáшему, песнь побéдную, я́ко
прослáвился.*

Запéв: Преподóбне óтче наш Варлаáме, / моли́ Бóга о нас.

Препéтая Соестéственная Трóице, / Преблагій Бóже, Їже пáче умá
дáры рабóм сим дая́ / и нам свéтлую послі́ благодáть, всех страстéй
очищáющую, / песнь ны́не начина́ющим.

Освящén быв Божéственною благодáтию / служіти святóму
жéртвеннику, / всесожжéние принéсл есі прія́тно Бóгови, / я́ко же Аарóн
по закóну áгнца во всесожжéние, / прообра́жая вольное страдáние / и
смерть Христóву за весь мир.

Христóву Плоть раздробля́я рука́ма, / служітель Сего́ істинный
я́влься, / возно́шения в премі́рная возно́ся / и отгúду мир лю́дем свої́м
прино́ся, / Варлаáме пречúдне.

Благодáтию Бóжиею победі́тель на дýхи лука́выя показáлся есі, óтче
Варлаáме, / зело́ крéпко смирі́лся есі покая́нием, / тяжкия скóрби и
болéзни претерпéл есі, / псалмóв пéние усéрдно ко Христú возно́ся. /
Помозі́ и нам, преподóбне, сéтей лука́ваго избéгнути.

Вéлиим постóм грéшную плоть свою́ усмирі́л есі, / стра́сти
душетлénныя победів воздержáния брозда́ми, / дýшу свою́ слезáми
покая́ния омы́л есі. / Моли́ о нас, óтче преподóбне, / да сквёрны
грехóвныя очістимся.

Богородичен: Велі́кий во прорóцех Моисéй Тя написá иногда́: /
Скрижа́ль богообра́зне, / Свéщник свéта, и Сень, / и Жезл процвётший,
Всенепорóчная, / и Рúчку, ма́нну нося́щую, Ё́юже возведóхомся / от землі́
к высотé.

¹ «Канон преподобному Варламу Керетьскому, новому чудотворцу». Сочинение Соловецкого архимандрита Сергия (Шелонина) (1-я пол. XVII в.). Рукописное собрание Псковского музея-заповедника Ф. Никандровой пустыни. № 292. Лл. 413–420 об. С незначительными правками.

Песнь 3

Ирмос: Утверждѣй рукою Твоею, Слове Божий, небеса, / просвещением Твоего истиннаго познания, // утверди и нас, на Тя надеющихся, сердца.

Агнца несквернаго и Богоприятнаго рукама закалая, / ангельскому житию поревновав непрестанными молитвами, / зритель и жрец сподобися быти, / благодатию совершаемъ Святаго Духа.

Лукавый змий не терпя зрѣти тя, вѣну Богу предстояща / и молитву о людех приносяща, / вадит на супружницу твою. / Ты же с яростию на ню устремився, / поражаеши ю смертною язвою / и гробу предаеши.

Убийству совершившуся, земли тело предал еси, / отходиши во град Кóлу / ко иерею блаженному Феодориту, / извѣствуя о убийстве и желая прощѣния, / слезами зѣмлю омакая, / о содеянных в ярости и невоздержании.

Услышав иерей о содеянных тобою, / даѣт ти ѿго / носѣти мѣртвую во гробѣ, дóндеже изгниѣт тѣло ея, / самому же в постѣ и молитвѣ пребывати / и таковó воздержаніе имѣти, / яко и рыбу точию на Пáсху вкушати.

Таковóе запрещѣніе приим, / течаше, радуясь, / и, тѣло откопав, в ладію вложив во гробѣ, / и сам яко во гроб устремився в ню, / с мѣртвою шѣствовалаше лѣтом дванадѣсят путѣй по мóрю, / по непроходным мѣстóм.

Богородичен: Юже лѣствицу дрѣвле Иáков вѣде, / прообразующу о Тебѣ, Богомáти, речѣ: / степѣнь Бóжия сѣя, яже достóйно слышиши; / радуйся, Обрадованная, / Господь с Тобóю.

Седáлен, глас 8:

Нóсиши за плещмá мѣртвое тѣло, / подобяся дрѣвним скѣтским отцѣм, / превитая по горáм и по вертѣпам, яко птѣца, / терпя смрад и всяку скорбь от мѣртваго телесѣ, / якоже Никѣфор, великий патриáрх, / терпѣ от разбóйника, умершаго в вертѣпѣ. / Он убо три мѣсяцы, ты же три лѣта, / дóндеже мѣртвое тѣло изгни до концá, и тако пáки е земли предаде, / тем исцелѣнія дар от Гóспода сподобися прияти, Варлаáме преподóбне, óтче наш. / Моли Христá Бóга грехóв оставленіе подáти / чтúщим любóвию святúю пáмять твою.

Сла́ва, и ны́не, Богоро́дичен:

Яко Де́ву и Еди́ну в жена́х, Тя, без се́мене Ро́ждшую Бо́га плóтию, /
вси ублажа́ем, ро́ди челове́чести: / огонь бо вселі́ся в Тя Божества́, и я́ко
Младенца́ млекóм пита́еши Зиждітеля и Го́спода. / Тёмже, а́нгельский и
челове́ческий род, / досто́йно сла́вим пресвято́е Рождество́ Твое́ и
согласно́ вопи́ем Ти: / моли́ Христа́ Бо́га согрешений оставле́ние дарова́ти
воспева́ющим досто́йно сла́ву Твою́.

Песнь 4

Ирмо́с: *Услы́шах, Го́споди, слух Тво́й и убо́яхся, / я́ко неизре́ченным
сове́том, Бог сый Присносу́щный, / от Де́вы проше́л еси́, вопло́лся. /
Сла́ва снисхожде́нию Твоему́, Христé, // сла́ва си́ле Твое́й.*

Відел еси́ морскую́ пучи́ну нечи́сту / и челове́ки непроходи́му от
мно́жества́ че́рвия, / кораблём осто́вы верте́ти естество́м навы́кших. / Сих
же, Варлаа́ме, священны́я воды́ кроплéнием / отгна́л еси́ на пучи́ну мо́ря.

А́ще и естество́м непобеди́ми че́рвие бе́ша, / но твое́я моли́твы Бо́гу
послу́шаша, / я́ко изы́ти повелева́еши им от Свята́го Но́са в непроходи́мая
места́, / иде́же тьма и мрак глубо́к безпреста́ни суть.

Ру́це, иногда́ убійством окрова́вленнии, / ны́не же чи́сте и свя́те,
возде́еши к Вы́шнему, о нас моля́, преподо́бне, / во е́же обрести́ нам
благодать и грехо́в оставле́ние / и бу́дущих благ сподо́битися моли́твами
твои́ми.

Лю́дие возра́довашася ра́достию неизглаго́ланною, / получи́вше путь
морский стро́ен, и благопоспéшен, и благополучен, / тя, своего́
засту́пника, воспева́юще / и Христа́ велича́юще.

А́ще не бы́ предста́л и помо́гл еси́, / не бы́хом толи́ких грызу́щих
че́рвий изба́вились. / Ны́не же тебе́ благодарная́ возглаша́ем, / кораблі́ с
пéснию отпу́щающе, / вспять возвраща́ющиеся це́лы и невреди́ми
приёмлюще, зове́м: / сла́ва, Христé, прише́ствию Твоему́.

Му́жеством душі́ в ве́ру воору́жився, / бу́рю и дождь, и всякую́
возду́шную тя́гость терпя́, / потща́лся еси́ за́поведь отца́ своего́ духо́внаго
сохрані́ти, / тёмже прия́л еси́ от Вседержітеля́ Бо́га вене́ц побéдный,
да́руя страсте́й исцелéние и бесо́в отгна́ние.

Богоро́дичен: *Уста́ви неуста́вное смущéние, Чи́стая Ма́ти Бо́жия, /
е́же к Сы́ну Твоему́ направля́ющи движе́ние воспева́ющих: / Сла́ва си́ле
Твое́й, / сла́ва, Христé, прише́ствию Твоему́.*

Песнь 5

Ирмós: *Мрак душіі моея разжені, Светодавче Христé Бóже, /
началорóдную тьму изгна́в бéздно, / и да́руй ми свет повелéний Твои́х,
Слóве, // да, у́тренюя, сла́влю Тя.*

Но́сиши ме́ртвую, я́ко жи́ву, в пусты́ню Чупу́ с собо́ю / и та́мо
моли́твою на врага́ воору́жаешися, / нестерпи́мая его стрéлы сокруша́я
посто́м и терпе́нием, / до́ндеже прия́л еси́, преподо́бне, / по́мощь от
Вы́шняго.

Обновля́ешися, я́ко оре́л, преподо́бне, / измы́вся и очисти́вся в
пусты́ни от всех стра́стных дея́ний, / и, я́ко еле́нь, быстротеки́й ко
исто́чником вод, / очища́ясь зми́йныя я́ди.

Ви́дел еси́ за мо́рем зи́ждему святы́м Трифо́ном оби́тель в Пе́чензе, /
и се́мо устремі́ся ви́дети того́ труды́ и по́двиги. / И, ту пребы́в ма́лое
вре́мя, / проро́чески тому́ об устро́ении оби́тели прорече́.

Оставля́еши Трифо́ново селéние / и возвраща́ешися па́ки к Ке́рети,
вся тому́ изре́к: / о, Трифо́не, сподо́бился еси́ оби́тель воздвигну́ти и
бра́тию собра́ти, / бу́дут же лю́дие ме́ста сего́ зле неукроти́мы, я́ко дивии
звёри, / твоёй вётхой я́рости и остроже́лчию подо́бящиися.

Мо́ре на плещу́ своёю тебе́ ноша́ше / из Пе́ченги в пусты́ню во у́стие
Чупы́, / влѣкше корабли́ своїми стру́ями, в ни́хже ядові́тыя че́рви
очи́стил еси́, / и по то́ням телеса́ ме́ртвых, восстаю́щая бесо́вским
де́йством, ви́де, / и сим усну́ти до Христо́ва второ́го прише́ствия повеле́, /
да не безсме́ртно пребу́дет зло́е, / я́коже рече́ іже богосло́вию
тезоимени́тый Григо́рий.

Богорóдичен: Улови́ти мя всегда́ и́щет прелука́вый, / и от того́ мя
сетей исхити́, Влады́чице, / и Божéственным кро́вом крилу́ Твоёю це́ла
соблюди́.

Песнь 6

Ирмós: *Бéздна грехо́в и прегрешéний бу́ря мя смуща́ет / и во глубину́
ну́жного ре́ет мя отча́яния, / но Твою́ крѣпкую ру́ку мне простри́, я́ко
Петро́ви, // о Упράвителю, и спаси́.*

Чу́вственныя стра́сти победі́в воздержа́ния брозда́ми,
чудодѣ́йственне Варлаа́ме, / чистото́ю душе́вною божéственно
 воору́жися, / стяжа́в безстра́стие и целомуд́рие, / імиже Бо́гови па́че
приблѣ́жися.

Богозданная Чупская пуста́нь, я́ко путь, в не́бо веды́й, прия́т тя, всехва́льне о́тче Варлаа́ме, / иде́же со зверьми́ дивии́ми му́жески подви́злся еси́, дре́вним о́тцем подража́я, / и, благода́ть Ду́ха Свята́го оби́льно стяжа́в, / мно́гим путь спасе́ния яви́л еси́.

Юности цвет умертви́в воздержанием, / в вы́шний вни́де черто́г, / во оде́жду, досто́йну зва́ния, облече́ся, / приуготовля́ясь к Ве́чери, / на ню́же и зван бысть, украше́н добродете́лями, / в невестнице неизрече́нная сла́вы возле́гл еси́.

Добродете́ли, труды́ и поко́й, Варлаа́ме, / прия́л еси́ со все́ми святы́ми Ко́льскими, / ихже возвесели́л еси́ своим жити́ем.

Образ быв и подо́бие к добродете́ли, о́тче, / возводи́л еси́ всех к высоте́ Божественнаго раче́ния, / наказу́я добродете́ли прилежа́ти.

Богоро́дичен: Тя, о́бщее любоче́стие, Всенепоро́чная, / на́шего естества́, вси сла́вим, / уста́ еди́ны бывше и еди́но согла́сие соверши́вшие.

Конда́к, глас 1:

Все у́мное своё жела́ние к Бо́гу вперив, / жите́йския молвы́ до конца́ отрёнул еси́, / в моли́твах, и слеза́х, и злострада́ниях плоть свою́ изнуря́я, / до́бре подви́зався проти́ву невидима́го врага́ ко́зней, / и, победи́в я, путь морский челове́ком без вреда́ от ядови́таго че́рвия сотвори́л еси́ / и, веселя́ся, пришёл еси́ к небе́сным черто́гом, / иде́же ны́не со А́нгелы Святе́й Тро́ице предсто́я, / мо́лишися непреста́нно, / сохраня́я нас от враг ви́димых и невидимых / и ненаве́тны соблюда́я от скорбе́й, зол и боле́зней, / да тво́ими моли́твами спасе́мся, // Варлаа́ме преподо́бне, о́тче наш.

И́кос

Отве́рзи ми устне́, преблаже́нне, / богоприя́тными ти моли́твами предсто́я Бо́гови, / да воспою́ пресла́вное твоё жити́е и боле́зненную я́зву твою́, / я́же на мо́ри Христа́ ра́ди претерпе́л еси́, преподо́бне. / Столп бо я́вился наро́ду Поморо́скому на мо́ри / и пра́вило све́тло ино́ком на земли́, / ра́вно А́нгелом стяжа́в жити́е, / в незаходи́мая вои́стину всели́вся, / многоко́зненнаго врага́ победи́л еси́, да тво́ими моли́твами спасе́мся, / Варлаа́ме преподо́бне, о́тче наш.

Песнь 7

Ирмос: *Отроцы благочестівиі в Вавилоне образу златому не поклоніиася, / но посредѣ пѣщи огненныя, орошаеми, / песнь воспеваху, глаголюще: // превозносимый отцев и нас Боже, благословен еси.*

В молитвах бодренное и в пощении крепкодушное, / терпение во искушениях неослабное, / ума чистотою, преподобне, показал еси, / земли бо и земных достойно отступив, / небесное обрел еси наслаждение, воспевая: / благословен Бог отец наших.

Остр ум имея к Богу внимати, / страсти душевные успил еси / и снопы благоплодия пожал еси, / питая благочестно восхваляющих тя и поющих: / благословен Бог отец наших.

Ревностию Христовою ярость поострив, / непреклонно слезами и слезными каплями истинного плача / ярости и напраснства весь пламень погасив, / и желания безчестия несытна, / молчанием вопияше: / благословен Бог отец наших.

Целомудрие, отче, притяжав, / имже на Божественную любовь возшед, / прият дары исцеляти недуги душ и телес наших, / имиже к Богу приблизиться можем, вопиюще: / благословен Бог отец наших.

Кроток, и милостив, и чист быв, / кратких землю достигл еси, отче Варлааме, / укроти настоящую бурю сердца моего, / да, в тишине Божественной быв, / песнословлю твои подвиги и воспеваю: / благословен Бог отец наших.

Естество плотское повинув духови постом и воздержанием, / душу же Божественными дарованиями просветив, / превысок умом сущих в вещех явлься, / невещественна дарования Духа Святого приал еси, воспевая: / благословен Бог отец наших.

Богородичен: **У**глем Исаия от Серафима от алтаря очищается, / возопи велегласно: се, Дева во чреве примет и родит Сына, и нарекут имя ему Еммануил, еже есть сказуемо: с нами Бог. / Ему же вопием: / благословен Бог отец наших.

Песнь 8

Ирмос: *Музыкайским органом согласующим / и людем безчисленным, поклоняющимся образу в Дебре, / три отроцы не повинувшися, // Господа воспеваху и славословяху во вся веки.*

Целиши незавѣстно вѣрно призывающія тя, / целитель от Бѣга показался еси, / очѣстник, блаженне, и прогонитель лукавыхъ духовъ, / яко звезда всесвѣтлая от пустыни, воссияв чудесъ лучами, / просвещая вопиющихъ: / Господа пойте и превозносите Его во вѣки.

Оружие пѣние имѣл еси, / молитву же стѣну, / непорочную слезу умываніе, / омывалище сквернамъ душевнымъ, / память же смертную сожительницу стяжав, преподобне, / еуже ум очѣстив, Бѣга зрѣти сподобися, поя: / Господа пойте и превозносите Его во вѣки.

Морское нѣдро освятил еси, преподобне, / кропленіемъ священныя воды, яко паучину, черви отгоня, / мы же, не терпяще крепости твоея духовныя зрѣти / и нечувственная отбѣгающе, / Господу, ты в семъ прославляшу, яко вѣрна Своего раба, вопіемъ: / Господа пойте и превозносите Его во вѣки.

Естествомъ добродѣтелей любви сопряглся еси отцу Трифону / в духовныхъ ему исправленіихъ, / в пусте мѣри с нимъ озѣмствуясь, / сопричастное души очищающе, воспевающе: / Господа пойте и превозносите Его во вѣки.

Кротостию, отче, навѣтынося, / терпя же и своя, на ты восстающія, / отеческимъ нравомъ послѣдуя, техъ житіе в себѣ имѣя, / приимъ от Бѣга дѣйство благодати, пояше: / Господа пойте и превозносите Его во вѣки.

Мощи твоя источаютъ вѣрнымъ исцеленіе, / память же твоя, блаженне, сияющи паче солнца / и всемъ души просвѣщающи, / мѣра мѣсленнаго восхищаетъ, поющихъ: / Господа пойте и превозносите Его во вѣки.

Богородичен: Умъ убо есть Нерожденный Отецъ, / образно премудрыми предречѣся; / Слово же собезначально, соестественный Сынъ; / и Духъ Святыи, еже в Дѣве от Слова созда воплощеніе.

Песнь 9

Ирмос: *Тя, Неискусобрачную Матерь Бѣга Вышняго, / Тя, паче ума рождишую словомъ войстину Бѣга, / вышнюю пречѣстныхъ Силъ, // немолчными славословленіи величаемъ.*

Слезныя капли яко гасило стяжал еси / войстину страстнымъ разгорѣніемъ / и любовью огня Божественнаго росѣ безстрастія совокупился еси, Христу Бѣгу нашему, / тѣмже ты чтимъ, Варлааме богомудре, / и вѣрою ублажаемъ.

Еди́ной любви́ Христо́вой приложив́ свою́ ду́шу, Варла́аме преподо́бне, / я́ко за́поведей Бо́жиих исполнíteль, / мно́гих чудес́ при́ял еси́ благода́ть, всехва́льне, / те́мже ты почита́ем.

Сокро́вище мо́щей твои́х, Варла́аме, / исто́чник показáся исцелéний, / к нímже всяк притека́я, я́ко от окрiна, воды́ почерпáет незавíстно / и избавл́ается вся́ких страстéй душéвных и телéсных. / Сего́ ра́ди ты ублажа́ем, / преподо́бне.

Госпо́дь просла́ви Своего́ уго́дника, / я́ко ни гроб, ходáтай забвéния, того́ добродéтели сокры́ти возмо́же, / мы же, истека́ющими чúдне от него́ зна́меньями / не то́чию б́лижня, но и да́льня оглаша́я, / трубы́ яснéйши вопи́ем и проповéдаем пóдвиги и труды́ его́.

Па́мять твою́ свящénную творя́щим, óтче, / не престáй моля́ Избáвителя даровáти согрешéний оставл́ение / и Небéсное Цáрство восприя́ти, / идéже глас прáзднующих веселiт вся.

О, трóице присноблажénная, / равночéстнии отцы́, Феодорiте, Три́фоне и Варла́аме, / я́ко еди́но блажénство имúции от Бо́га, версто́ предóбрая, / призывáющих и восхваля́ющих вы от всех лю́тых спаса́йте / те́плым предстáтельством ва́шим.

Богорóдичен: Теснiт мя широтá вели́чий Твои́х, Влады́чице, / подавля́ющи сло́во от чáстости, / и пресла́вно ми случáется éже недоумевáтися от благомóщества, / те́мже толи́ко Тя Возвели́чившаго сла́вим.

Светiлен:

Подóбен: Жены́ услы́шите:

Чу́вственныя стра́сти телéсныя победив́ мно́гими пóдвиги / тяготóю вéлиею и терпéния брозда́ми, чудодéйственниче Варла́аме, / и рéвности безплóтных на земли́ и на мо́ри показáв, / вся плотскáя желáния дúху повинúл еси́: / тем ны́не в небéсных селéниях водворя́ясь, // моли́ о душа́х на́ших.

Сла́ва, и ны́не, Богорóдичен:

Тя пёсньми немóлчными ублажа́ем, Дéво, / я́ко от Трóицы Еди́наго родила́ еси́, Богорóдице, / и но́сиши на Божéственную руку́ пребогáтое Сло́во, // непременно́ и неизмéнно.

На хвалітех стихіры на 4, глас 6:

Благодать Духа, отче Варлааме, / тебе возсиявши, светло просвети
тя, / отсюда умалил еси страстей ночь / и безстрастия день постигл еси, /
чисте чистейшему Свету совокуплься, / в Немже жительствуя, не забуди,
богогласе, // верою поющих священную твою память.

Благодать, желанную тебе, Варлааме, нося небесную, / земных
небрегл еси, / сего ради избра ты Господь на страдальческое житие, / яко
безплотен пребывая, / скорби и болезни понесе, / слезами изсушил еси
мутный источник страсти греховныя. / Ныне же присносущныя сладости
источника воды, / текущая в живот вечный, // благочестно
наслаждаешься, богоприятне.

Благодать исцелений духовных, Варлааме, / от благодати
Божественныя достойно приял еси: / отсюда духов тебе лукавых
низлагается прелесть, / ратоборец на бесов явился еси, / и недуг
неудобных тли отбег прешел еси, преподобне, / источаеши бо яко воды,
благодатныя твоя струи / от нихже напаяеми // воспеваем память твою.

Слава, глас 2:

Богоносне преблаженне Варлааме, / все плотское мудрование духу
повинул еси, / пощения и изнурения телеснаго страданиями утвердився, /
яко злато, в горниле искушено, сияя, явився, / приятелище был еси Духа
Пресвятаго. / Поминай нас, чтущих память твою священную, / умоли
Господа, да милостив нам будет // во множестве Своея благодати.

И ныне, Богородичен:

Все упование мое на Тя возлагаю, / Мати Божия, // сохрани мя под
кровом Твоим.

Славословие великое и отпуст.

НА ЛИТУРГИИ

Блаженны от канона, песни 3-я и 6-я.

Прокимен, глас 7: Восхвалятся преподобнии во славе // и
возрадуются на ложах своих. **Стих:** Воспойте Господеву песнь нову:
Апостол к Коринфяном, зачало 176. Аллилуия, глас 6: Блажен муж,
бояйся Господа: **Стих:** Сильно на земли будет семя его. **Евангелие от**
Луки, зачало 24. Причастен: В память вечную: